



ATASSUT

UKA 2015/112

Siverth K. Heilmann

11.11. 2015

Savaatillit nersutaatillilu inuussutissarsiuqarnerannut nanoqartalenera qanoq annertutigisumik ajornartorsiutaalersimanera, tamatumani tamatuma qanoq iliuuseqarfigineqarsinnaanera pillugu Naalackersuisut misissuisitsissasut Inatsisartut aalajangiiffigisassaattut siunnersuut.

(Inatsisartunut ilaasortaq Aqqaluaq B. Egede, Inuit Ataqtigiit)

Siullermik inatsisartuni ilaasortaq Aqqaluaq B. Egede, Inuit Ataqtigiit qutsavigissavarput, aalajangiivigissassatut siunnersuutaanut imatullu ATASSUT-miit naatsumik oqaaseqarfigissavarput.

Siunnersuuteqartoq iluoornerassavarput, Nunatsinni nanunikkaluttuinnarnera, nannullu inoqarfinnut appakaattualernerisa kingunerisaanik, savaateqarfinni nersutaateqarfinnilu kisimi pinnani, inuit inuunerannut navianarsortitsisarnerat tusarsaaleraluttuinnarnera imaannaangitsutut aarleqqutigisariaqartutullu ATASSUT-miit isumaqarfigaarput.

Qularutissaanngilluinnarpoq sikuusarunnaaraluttuinnarnerata kingunerisaanik, suli ukiorpassuarni nannut nunami angalanerulernermikkut nerisassarsionermikkullu, inoqarfinnut appakaattuassasut inunnullu navianartorsiortitsissallutik. Nanoq qaasuttuuvuq, inunnullu navianartorsiortitsippat toqunneqarnissaa/saat inatsisitigut pisinnaatitaaffiuvuq. Piniagaanerisa piniagaannginnerisa nalaaniunersoq, matumani apeqqutaanngilaq.

ATASSUT-miit arajutsisimangilarput, uumasunik illersuuniaqatigiiffissuit sunniisarnerat aamma nannut piniagaa-sarnerannut illersorneqarnissaanullu allarpassuartigullu takussutissaqarluartoq. ATASSUT-ip piujuartitsineq illersorpaa aamma inatsisit avaqqutaarlugit piniapiluttoqarpat akuersaanngilarput. Taamaattorli pingaartinneqarnerpaasariaqarpoq, inuit inuunerisa illersorneqarnissaat, ilami aamma sinerissami illuaralippassuaqarpoq meeqqanik akuuffigineqarlutik najugaqarfigineqartunik.

Qulaani eqqartukkatta, nannut inunnullu navianartorsiortitsippata inuullu inuuneranik kinguneqarsinnaasumik, pisortanut politiiinulluunniit akueriteqqaarnissamik utaqqisariaqarneq, piffimmi sumiinneq apeqqutaalluinnarluni atorsinnaanngilluinnarpoq.

Qulaani eqqartukkagut tunngavigalugit, Naalackersuisunut misissuisitsinissaq naammassanersoq apeqquserneqarsinnaavoq, inatsimmimi periarfissaqartitsereersoq ersarissaataasumik sukaterisoqarsinnaannginnersoq iliuuseqarfiginissaa pilerinarnerunnginnerpoq?

Taamatut oqaaseqarluta ATASSUT-miit siunnersuummut itigartitsinngilagut ataatsimiititaliamili susassaartumi oqariartuutitta nalilersorluarneqarnissaa kissaatigalugu taperserparput.